

DISSE^TRAT^IO MEDICA,

INAUGURALIS,

D E

APOPLEXIA SANGUINEA.

5

DISSERTATIO MEDICA
INAUGURALIS,
DE
APOPLEXIA SANGUINEA.

QUAM,
ANNUENTE SUMMO NUMINE,
Ex Auctoritate Reverendi admodum Viri,

D. GULIELMI ROBERTSON, S. S. T. P.

ACADEMIÆ EDINBURGENÆ PRÆFECTI;

N E C N O N

Amplissimi SENATUS ACADEMICI consensu,
Et nobilissimae FACULTATIS MEDICÆ decreto;

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS
RITE ET LEGITIME CONSEQUENDIS;

Eruditorum examini subjicit

JOANNES JOHNSTON,
SCOTO-BRITANNUS,

Soc. Med. Reg. Edin. Soc.

Ad diem 12. Septembris, hora locoque solitis.

E D I N B U R G I:

Apud BALFOUR et SMELLIE,
Academiae Typographos.

M,DCC,LXXXI.

REVERENDO VIRO,

ARCHIBALDO BAINE, A. M.

AVUNCULO SUO CARISSIMO,

HAS STUDIORUM PRIMITIAS

SACRAS ESSE VOLUIT

JOANNES JOHNSTON.

to Duncan
with best wishes
from his very humble Servt
Johnstone

D I S S E R T A T I O M E D I C A

I N A U G U R A L I S,

D E

APOPLEXIA SANGUINEA.

APOPLEXIA est motuum fere omnium voluntariorum imminutio, cum sopore, plus minus profundo, superstite motu cordis et arteriarum.

Species in diversas est divisa, praesertim quod causae remotae, a quibus proficiscitur, inter se differunt, unde phaenomenorum, quae signa omnis speciei primaria comitantur, discrimen aliquod, et viae medendi, quae unicuique accommodatur, majus etiamnum

8 DE APOPLEXIA SANGUINEA.

amnum oriri confuevit. De ea autem spe-
cie sola, quae Sanguinea appellatur, agere
nobiscum decrevimus, quam notae plenitu-
dinis universae, potissimum capitum propriae,
designant.

Hic morbus aetate proiectiores, eos ple-
rumque qui annum transgressi sunt quadra-
gesimum, invadere solet. Qui robusti et
pleni, ad obesitatem aliquantum proclives,
collo breves, capite ampli, et facie pleni et
rubicundi sunt, ii huic morbo magis, quam
alii, objiciuntur, adeo ut a fonte haeredita-
rio non raro proficiisci notetur.

Eum in spatium longius breviusve, no-
nunquam in menses vel annos, saepe pree-
cedunt frequentes capitum dolores, vertigo,
plenitudinis et gravitatis capitum sensus, tin-
nitus aurium, et temporaria visus privatio.
Sudationibus, quandocumque actio cordis et
arteriarum paulum augetur, expressis, caput
objicitur. Nonnunquam unus vel uterque
oculus rubescit vel inflammatur, et sanguis

e naribus non raro prorumpit. Æger aliquando hebes, melancholicus, et somnolentus evadit, et somnus ei incubo saepe turbatur. Tremoribus, qui spatium longius breviusve habent, stupore et frigoris partium corporis diversarum sensu, interdum plurium pauciorumve muscularum paralysi stipatis, afficitur. Caeterum frequentius forsitan nulla eorum, quae modo posita signorum, saltem in tempus longum, antecedunt, et mortales non raro subito concidunt, qui paucis ante momentis nihil omnino senserunt, unde se valetudine commodissima non frui posset concludi.

Per paroxysmum facies plerumque rubescit et tumescit. Oculi quoque rubri, aquosi, turgidi. Pulsus arteriarum plerumque pleni et tardi; nonnunquam vero validi et frequentes. Spiritus gravis et difficilis, et frequenter, quamquam non semper, stertore stipatus. Sopor fere adeo profundus est, ut aegrotantes diversa, quae organis sensus admoventur, nulla ex parte vide-

antur sentire. Eos nullo modo afficiunt lux, strepitus, volatilia acerrima naribus applicata. Membra illis relaxantur, et flaxida jacent, nec movent, licet violenter strigantur et irritentur. Nonnullis in exemplis immobilia manferunt, quamquam ferro candente fuerint subusta. Res vero non semper ita se habet. Cum morbus minus gravis est, vel sub initium paroxysmi, quae oculis objiciuntur nonnunquam percipiunt, paulum cogitare valent, et tantam quorundam muscularum potestatem retinent, ut animi sensa, cum loqui non possunt, nutis significant. Paroxysmo incipiente, unum latus non raro magis, quam alterum, laborare notatur, et aliquando dum alterum paralyfi, alterum convulsionibus tentatur; faeces et urina nonnunquam absque voluntate excernuntur.

Cum morbus morte finitur, eam antecedunt sopor auctus; ictus arteriarum magis frequentes et debiles, tandem intermitentes; spiritus magis difficilis et inaequalis evadens,

dens, donec motus pectoris vix percipi pos-
sit; spuma viscosa ex ore profluens, super-
ficies corporis sudore frigido humectata.

Si aegrotus convalescit, ad sanitatem ab
omni parte absolutam raro reducitur. Plu-
rium pauciorumve muscularum plerumque
motus voluntarii, modo lateris alterius uni-
versi, modo etiam omnium infra cervicem
partium *, manet paralysis. Complures ex
iis quoque mentis affectibus, qui morbum
aliquando praecedunt, eundem frequentius
excipiunt. Äger saepe hebes et somnolen-
tus manet. Quantum vim imaginandi et
memoriam spectat, eae adeo imminuantur,
ut omnem et sui et familiae curam animo
deponat. Interdum familiares suos, cum
eos videt et alloquitur, non agnoscit, vel,
quod frequentius incidit, nomina eorum re-
cordari non potest, quamquam necessitudi-
nis, quae semet inter et illos intercedit, re-
miniscitur. Haec impotentia nomina vel
verba

* Vide Boerhaav. aphorism. 1018.

verba cujuslibet generis recolendi longum per tempus nonnunquam durat, dum omnia alia fere memoria satis accurate tenentur. Nonnulli aegroti admodum timidi manent, adeo ut strepitus levissimus, vel quodlibet inusitatum oculis objectum, eos non mediocriter valeat perturbare. "Videtur rim, inquit illustris Swietenius, sapientissimis antea viris, et fortissimis militibus, masculum illud animi robur adeo fuisse enervatum, ut flebilis pueri instar, ob levissimam causam, in lachrymis solverentur *."

Cadaveribus eorum, qui hoc morbo sunt extinti, incisis, vasa cerebri et ejus membranarum sanguine turgida plerumque periuntur, et interdum nulla alia morbida signa se ostendunt. His frequentius tamen accedit feri, inter meninges aut intra ventriculos, et saepius etiamnum sanguinis rubri, effusio. Serum piam matrem inter et tunicam

* Vide Comment. in Aphorism. 1018.

tunicam arachnoideam nonnunquam effunditur, hanc tunicam in vesiculos elevans. Quinetiam intra ventriculos vesiculos idem genus excitare consuevit. Interdum glutinosum est et concretum. Sanguis, in modum seri, inter meninges vel in ventriculos, nonnunquam profunditur, sed saepius in substantia cerebri medullofa, cavo majore vel minore per partium lacerationem sibi facto, effusus reperitur. Cadaver aegroti incidit Wepferus *, in cuius cerebro circiter libra sanguinis effusa sphaeram dimidiadextram per totam fere ejus longitudinem et latitudinem diffiderat.

D I A G N O S I S.

Definitio apoplexiae, quam supra tradidi, eam ab aliis morborum generibus satis separnit. Quandocunque, actione cordis et arteriarum

* Hist. Apoplect. hist. 2.

arteriarum superstite, motus voluntarii immutati, minuti sopore, quem stimulantia modice valentia organis sensus admota non possunt tollere, stipati adsunt, eam substare judicamus. Nec, plerisque saltem in exemplis, sanguineam a reliquis speciebus dignoscere admodum difficile esse putamus, si ad habitum aegrotantis corporeum, speciem quam facies per paroxysmum praefere fert, et conditionem pulsus, et causas excitantes postea enumerandas, quae morbum movere potuerint, rite consideranda, animum adjungamus. In omni enim casu, quem sub hoc titulo comprehendendum putamus, habitus aegroti corporeus pro ratione aetatis justo plenior est et validior; pulsus arteriarum, sub initium saltem paroxysmi, nunquam debiles, sed plerumque solitis pleniores et fortiores, et facies nunquam praeter consuetudinem pallida, sed, contra, fere semper rubra. In apoplexia autem serosa, et in omnibus aliis speciebus quae non a morbis praecedentibus oriuntur symptomatiae, vel per externam violentiam moventur,

tur, ictus arteriarum ab initio usque, quam sanitate substante, magis debiles, et facies pallidior. Cum quidem paroxysmus diu mansit, ab aliarum specierum propriis non facile et aperte per signa sua poterit distinguiri; rebus vero ita se habentibus, qualis aegroti, antequam paroxysmus invasit, valetudo fuerit, qualia sub initium signa orta sint, et quaenam morbum excitaverint cau-
fae, a cognatis et familiaribus querere li-
cet. Exempla apoplexiae symptomatica ple-
nitudini capitis adjuncta, qualia a tumori-
bus circa cor et vasa sanguifera majora, li-
berum sanguinis per venam cavam superi-
orem transitum impedientibus proficiscun-
tur, ab apoplexia sanguinea idiopathica per
notas morbi primarii sunt secernenda.

C A U S A P R O X I M A.

Haudquaquam ambigere possumus quin pro hac habeamus humorum in cerebro conges-
tionem,

congestionem, vel intra ejus vasa, vel ex iisdem partim effusam, quam in omni casu apoplexiae sanguineae funesto ibi formatam esse, incisiones demonstrant. Haec enim compressionem cerebri faciat necesse est, et numerosissima non desunt, quae statum hujus organi compressum, talem etiam, qualis a vasis ejus distensis potest oriri, mortales ad ullas e functionibus animalibus per agendas prorsus ineptos efficere, probant. Cranii deppressiones, sanguis in cerebri superficie collectus, vel aqua inter meninges immissa, statum apoplexiae movent, et donec fuerint sublata, ut maneat faciunt. Exempla etiam fuerunt, ubi, magna cranii parte morbo consumpta, apoplexia cerebrum manu comprimendo fuit mota *. Nonnihil ejusdem status, ob vasorum cerebri sanguiferorum distensionem, experimur, cum caput diu demittimus. Quinetiam memoriae prodit clarus Swietenius se celebrem

* Morgagn. de sed. et caus. epist. 4. § 33.—Halleri physiolog. tom. 4. p. 301.

brem cantatricem vidisse, quae vertigine, turgescientibus interea faciei vasis, quando- cunque tonum sublatum nimis producebat, adeo fuit affecta, ut concidere fuerit periclitata *.

Probabile est distensionem vasorum sanguiferorum in omni fere exemplo plus minusve, idque directo, ad morbum faciendum conferre, cum in omnibus his casibus, qui salute ab omni parte absoluta cito finiantur, causa sola comprimens, in iis, quos salus minus perfecta brevi subsequatur, pars cau- fae comprimentis praecipua fuerit oporteat, et omnis insuper incisio haec vasa, unde nihil fuit profusum, turgida esse demonstrat. Sed non semper forsitan directo agit. Si vasa ruptu admodum facilia sint, effusionem ante facere potest, quam eo usque progre- ditur. In omni apoplexiae sanguineae ex- emplo, ex habitu aegrotantis corporeo, spe- cie quam facies prae se fert, et arteriarum

C statu,

* Comment. in Aphorism. 1010. 3. 2.

statu, concludendum est eam adeo magnam esse, ut unum alterumve ex hisce effectibus edat. Apoplexiā facere potest sanguinis effusio, quam non praecesserunt vasa cerebri praeter confuetudinem turgida, ut forsitan in scorbuto, ob tenuitatem sanguinis et acrimoniam. Cum vero signis in diagnosi enumeratis non stiparetur, pro exemplo apoplexiae sanguineae non posset haberi.

CAUSÆ RÈMOTÆ.

Ex his, quae modo super causa proxima comprehendimus, constat, omnem plenitudinis universae gradum aliquantum proclivitatis ad apoplexiā sanguineam dare, et plenitudinem equidem, si magna sit, eam per se facere posse. Hinc illi, qui vitam luxuriosam agunt, parumque exercitationis adhibent, frequentius, quam alii, in eam confuerunt incidere. Eam quoque moverunt membra jactura, menses, et haemorrhoides

rhois suppressa, sanguinis e naribus profusio repente cohibita, detractio sanguinis usitata neglecta.

Effectum plenitudinis admodum auget adeps in tela cellulosa accumulatus ; ad caput enim potissimum sanguinis impetum facit. Quocunque in loco adeps colligitur, ibi tensione, qua cutem fibrasque musculares impertitur, et pondere ejus quantitatis ejusdem quae omento comprehendendi consuevit, vasa sanguifera comprimuntur ; et igitur, cum sanguis ubi ei minime obsistitur, accumuletur, vasa cerebri magnitudine augebuntur, donec renifus, quo potestati id distendenti obluctantur, vim compressorum extra cranium vasorum propriam adaequet.

Hae duae caufae autem potissimum, vasorum sanguiferorum ad rupturam proclivitati adjunctae, uti videtur, morbum cum aetate proiectiore conjungunt. Qui constitutione corporea valente sunt praediti, opipare vivunt, et non multum exercitatio-
nis

nis adhibent, ii corpulenti et obesi circa annum aetatis quadragesimum evadunt, facies illis rubescit et latescit, et menta dependent. Eodem tempore vasa sanguifera multo quam ante rigidiora sunt, quod ea, quamquam solido simplice valentiora sunt, si quamlibet ob causam sanguis in illis accumulatur, ruptu facilitiora reddit.

Est cur tensionem vasorum hoc tempore, quam fuit quolibet alio praecedente, magis exquisitam esse credas. Namque, cum incrementum corporis a vasis longioribus redditis pendeat, et haec singulis diebus magis magisque densa evadant, adeo ut potestati semet extendentis validius obsistant, tensio eorum eo, quo corpus increscere cessat, tempore, quam unquam ante, major sit necesse est, i. e. circa annum aetatis trigesimum quintum, cum summam latitudinem et longitudinem, quam vasa extensa possunt praebere, sumus adepti. Caeterum, adipis accumulatio, qui ex hoc tempore colligi incipit, ingesta excreta etiamnum quantitate superare

superare testatur. Igitur hic tensionis gradus non tantum in tempus post annum aetatis trigesimum quintum non breve sustineri, sed etiam augeri potest. Si quidem accumulatio adipis a laxitate oriatur, ut in iis quibus multum aetatis nondum accessit frequenter incidere videtur, statim plenitudinis cito tollere posset, quanquam ingesta excreta non parum excederent; cum vero hoc tempore tantum, systemate multo quam unquam ante rigidiore, se primum ostendit, non est cur huic causae tribuamus. A densitate potius vasorum proficiisci videtur, humoribus redundantibus sub hac forma expressis, cum non amplius intra vasa ea longiora reddere pergendo, locum sibi possunt comparare.

Vasorum ad rupturam proclivitas eo magis semper augetur, quo plus aetatis nobis accedit, ob duritatem tunicarum eorum et fragilitatem incrementantes, et tandem ob ossa et cretacea in partibus substantiae eorum cellulofae variis deposita.

Partem

Partem proclivitatis ad apoplexiā sanguineam praecipuam in plethora vēnosa, in sanguine nempe venoso pro arterioso adaucto, quod post annum aetatis trigesimum quintum incidit, consistere ponitur. Hic auctus, uti existimatur, magis sanguinis ex arteriis capitis extremis in venas, quam cum diametros venosi systematis minor fuit, transitui obſistet, et igitur ad has arterias distendendas et rumpendas conferet. Qua ratione vero hoc possit praestare, non clare video. Cum sanguis venosus capitis proprius non sursum, faltem longum per spatium, contra gravitatem moveatur, actioni cordis et arteriarum per inertiam et frictionem solas resistit, quarum neutra per ullum diametrorum venarum incrementum augetur.

Collum justo brevius ei habitui corporis corpulento et obeso, qui potissimum mortales hunc ad morbum proclives efficit, admodum frequenter adjungitur, et proclivitatem non parum adauget. Namque, cum carotides

carotides pro ratione breviores sint, pondus sanguinis in iis unaquaque cordis systole superandum minus est, quam cum collum majorem longitudinem habet. Igitur transitus sanguinis per eas velocior est, quod faciet ut accumulatio sanguinis in capite incidat, et celerius, quam alioquin accidisset, per actionem cordis et arteriarum causa qualibet concitata, vel redditum sanguinis per venam cavam superiorem liberum impeditum, adaugeatur.

Causae excitantes autem hujusmodi sunt,

i. Quicquid subitum actionis cordis et arteriarum auctum facit, cuius effectus est sanguinis in vasculis universis extremis, ubi tunicam muscularem amittunt, et potissimum in capitibus propriis, ut e rubore faciei, et sudore qui hic, antequam alibi se ostendit, exprimitur, videtur apparere, congestio temporaria. Multi, postquam plene ederunt, vel dum liquores spirituosos liberaliter bibeant, paroxysmo correpti conciderunt.

derunt. Idem quoque ira motis, vel exercitationem nimis violentam adhibentibus, accidit. Subita temperiei aëriae a frigida ad calidam mutatio causarum hujusmodi potentissima esse videtur, quae, dum cor et arterias stimulat, sanguinem adeo rarefacit, ut plenitudinem faciat, vel substantem non parum intendat. Paduæ, anno 1729, cum calor nimius frigus admodum intensum repente exceperat, plurimi apoplexia spatio brevissimo sunt extinti *.

2. Quicquid lumen vasorum extra cranium imminuit, adeo ut tensionem eorum, quae intra idem sunt, multum adaugeat. Hoc praestant nisu violenti, per quos venae muscularum agentium, et illae quae inter eos intercedunt, sanguinem, quem vehunt, in vasa, quae compressione carent, effundunt, et eodem tempore sanguini in arterias eorum ingredienti plurimum obsistitur. Hanc ob causam, mulieres inter pariendum apoplexia

* Morgagn. de sed. et caus. epist. 3. § 11.

apoplexia nonnunquam moriuntur. Magnum ponderis atmosphaerae incrementum eodem modo nonnihil valere potest, cum eo omnia extra cranium vasa comprimantur, dum interna a coïmpressione libera manent.

3. Omnes corporis positurae vel actiones, quae sanguinis ad caput ascensum facilitorem reddunt, vel redditum ejus inde liberum impediunt, quales sunt caput demissum, vomitio, tussis violenta, et risus.

P R O G N O S I S.

Apoplexia sanguinea nunquam summo periculo vacat. Frequentius funeste quam aliter, nonnunquam paucis horis, et raro, si sit absoluta, serius quam die septimo finitur *. Cum aegroti e morbo emergunt,
D integritatem,

* Van Swieten. comment. in aphorism. 1019.

integritatem, ut supra fuit positum, perfectam haudquaquam saepe attingunt, et illis paroxysmos futuros, qui eos citius seriusve rapiunt, raro evadere contingit.

Quod potissimum metuendum est vasorum sanguiferorum ruptura, quae tantam sanguinis quantitatem effundi pati potest, quanta vitam cito extinguet, vel, cum minor est, per pressuram quam dat diuturnam, idem tandem praestare valet, cum neque conaminibus naturae spontaneis, nec remediis ab arte petitis, brevi tolli possit. Cum parva tantum seri quantitas per anastomosin effunditur, aeger plerumque convalescet, et facilius etiamnum cum vasa tantum distenduntur.

Nullas notas, ex observatione auctorum, unde, utrum ruptura necne inciderit, possit judicari, vera, collectas possumus proferre. Caeterum, judicio nostro, causa est cur ruptura metuatur, quandocunque aegrotans aetate proiectus est, vel solida simplicia rigida habet,

habet, et cum paroxysmum praecesserunt dolores capitis violenti in aliquantum temporis solum manentes. Contra, plus causae est eur nullam rupturam incidiisse speremus, quo minus aetatis aegroto accessit, quoque molliora solida ejus simplicia sunt. Idem sperari potest, cum paroxysmum praecesserunt vertigines frequentes caecitasque tempora-ria, et cum nulla pars corporis, quam alia, magis paralytica videtur.

Paralysis plurium pauciorumve unius lateris muscularum, dum aegratus in alterius proprios non nihil potestatis retinet, vel serum vel sanguinem rubrum effusum esse ostendit, et de quantitate ejus per affectum paralyticum leviorum gravioremve judicare possumus.

Quae signa mortem appropinquare tentantur, ea sunt pulsus arteriarum debiles et frequentes, et spiritus depresso et interpellatus.

Quanquam

Quanquam apoplexia a ruptura vasorum sanguiferorum proficisciens admodum periculosa est, non tamen semper, ut e nonnullis potest concludi, funesta est, etiam cum rupturam comitatur non parva substantiae cerebri medullosoe laceratio. Casus mulieris a Brunnero * memoratur, quae ex apoplexia circiter septem diebus feliciter convaluit, et non fato inter quinque annos postea concessit, in cuius cerebro inciso tres cavernae, quae parietes duros callosos habuerunt, repertae sunt. Quinetiam exemplum viri hujus non dissimile a Morgagni † memoriae proditur, in cuius cerebro cavum in conspectum fuit datum, quod in latitudinem quatuor digitos, et in altitudinem digitum dimidiumque, patuit.

RATIO

* Wepfer de apoplexia, observat. 2.

† De sed. et caus. epist. 4. § 16.

RATIO MEDENDI.

Unicum autem consilium per paroxysmum est congestionem sanguinis in cerebro factam tollere, imminuere, auctuive ejusdem occurrere.

Omnium vero remediorum, quae huic consilio accommodantur, haud dubie longe potentissimum est sanguinis detractione. Cum vasa tantum distensa sunt, vel quod profundum est, quantitate exiguum, morbum plerumque depellet, et, cum ruptura magna incidit, effusionem eo usque progrederi, ut aegrotum protinus extinguat, si ullum remedium hoc potest praestare, impediet. Cum primum, postquam accessit paroxysmus, mittatur. Magna detrahatur quantitate. Evacuatio aequa saepe, ac pulsus arteriarum possunt ferre, reiteretur, dum sopor et alia signa manent. Cum ictus etiam arteriarum sunt

sunt debiles, et aliae plethorae notae potius obscurae, si medicus fero fuit arcessitus, ad eandum nihilominus confugiatur. Modica quantitas detracta, quolibet in casu apoplexiae, parum nocere potest, et medicus utrum idonea necne fuerit, et utrum igitur necne debeat repeti, e pulsibus arteriarum plenioribus et validioribus, quam ante, redditis, facile discet. Ægrotus primam post sanguinis detractionem plerumque levatur, et nonnunquam, sanguine effluente, non parum convalescit.

Sanguinem plerumque e brachio potius, quam e vena jugulari, judicio nostro, emittere expedit, quod panniculus et fascia, collo hoc in exemplo circumdanda, redditum sanguinis a capite liberum impediendo, plurimum possunt nocere. Quae incommoda ab arteria temporum incisa oriuntur, ea maxima sunt, et effectus non multo melior, quam cum vena pertunditur brachii. Sanguinem vero temporibus, primam post missionem generalem, summo cum fructu, et absque

absque ullo incommodo, per cœurbitulas
cruentas liberaliter detrahere possumus.

Sanguine semel misso, catharticum valen-
tius, si aegrotus possit devorare, protinus ad-
hibetur. Si non, et res saepe ita se habet,
ad enema decurratur. Quamvis etiam ca-
tharticum valuit deglutire, enema quoque,
ut evacuationem magis celerem efficiat, ad-
hibetur. Et catharticum et enema, quo
rite agant, valentiora sint oportet, quoniam
intestina admodum magnō torpore laborant.
Bis terve repetantur, si paroxysmus diu ma-
net.

Unicum aliud remedium, quod inter pa-
roxyfnum prodēsse repertum est, est epif-
paesticum amplum capiti applicandum, quod
tamen post duo praecedentia remedia po-
tentiora tantum debet adhiberi. Is enim
stimulus, quo corpus afficit recens admo-
tum, noxae potius sub initium paroxysmi
esse potest. Omnia alia stimulantia fugi-
enda.

Ægrotus

Ægrotus in positura erecta habeatur, caput, saltem, totum per paroxysmum, quam maxime elevetur. Diligenter refugiatur calor externus, et, si paroxysmus adeo diu maneat, ut aliquantum cibi vel potionis, antequam ad finem perducatur, dare necessarium evadat, lenissima sint, et quam minime stimulent.

Cum nullum remedium, quod effusionem sanguinis possit removere, noverimus, et nullum forsitan, quod talis seri accumulacionis, qualis hic incidit, absorptionem magnopere promovebit, paralysis, quae, ob unam alteramve harum causarum, sopore sublato, manet, magna ex parte naturae relinquenda. Tantum ut incrementum quantitatis effusionis per laxantia leniora, et diaetam tenuem et refrigerantem praecaveatur, agendum est.

Quo paroxysmo alteri, cum aegrotus e primo convaluit, occurratur, temperantiam in vietu, quam ante multo majorem adhibeat, exercitatione admodum leni, sed continua,

tinua, utatur, et summa cum diligentia omnes causas excitantes devitet. Diaeta in aliquantum temporis post paroxysmum e lacte potissimum et vegetabilibus refrigerantibus, et, si quid praeter lac bibat, ex aqua mera constet. Si, hoc regimine adhibito, non male convalescat, ad usum cibi animalis modicum gradatim redire potest, praesertim si multum exercitationis adhibeat. Sed liquoribus spirituosis cautus semper utatur. Si paralysis post paroxysmum superficit, tutissimum forsitan erit exercitationem per spatum brevius longiusve ex toto vitare. Deinde aegrotus per vias planas, et salebris destitutas, rheda vehi potest. Cum usum membrorum magna ex parte recuperavit, vel cum paroxysmus nullam paralysin reliquit, ambulatio reliquis exercitationis generibus praestabit. Setaceum collo indere plurimum proderit, utpote quod ad aequilibrium ingesta inter et excreta conservandum, et ad cursum humorum a vasis capitis internis faciendum, non parum conferat. Capite elevato, nunquam

non dormiat aegrotus, et, quandocunque in eum vertigo capitifve dolor invadit, ad sanguinis detractionem alvive purgationem momento confugiat.

Cum per constitutionem alicujus corporae, aetatem, et praesertim per illa, quae supra sunt comprehensa, capitis vitia, paroxysmus primus valet praevideri, ut saepe revera potest, haec ei occurrendi ratio, cum multo majore commodo, quam unquam postea, nunc adhibebitur, adeo ut ad morbum admodum proclivis, attentione curaque idoneis adhibitis, eum longam per vi-
tam ex toto saepe effugere possit.

F I N I S.

